



Jens Immanuelsen  
Inatsisartuni ilaasortaq, Siumut  
/ Maani

Asasara Jens Immanuelsen,

23-01-2014  
Sags nr. 2014-094718  
Dok. nr. 1464039

Illut sanaqataaffiusut pillugit apeqqutinnut qujanaq, Naalakkersuisut pineqartoq pillugu paassisutissiinissamut periafissimmagit.

Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: iaan@nanoq.gl  
www.nanoq.gl

**1. Nunaqarfinni illoqarfinnilu avinngarusimasuni sanaqateqarluni illiat sananeqartartut sorliit sanaartugassatut periafissaatinneqarpat? Illorput type 69, illorput 2000 imaluunniit illorput 2100?**

AKISSUT: Illorput 2100-p qanittukkut typetut akuerineqarnissaa, taamaalillunilu Illorput 2100-p Illorput 2000-itut sanaqateqarluni illiortarnermut neqeroorutigineqarnissaa naatsorsuutigineqarpoq.

**2. Nammineerluni illiortarnermi isertitat aallaavigalugit 10%-mik akiliutigineqartartoq siunissami allanngortinniarneqarpa?**

AKISSUT: Ukiuni kingullerni sanaqataaffiusunik illiortoqartannginneranut aaqqissuussinermut aningaasanut inatsisini ukiumoortuni aningaasanik immikkoortitsisoqartarsimannnginna pissaavaq. Tassalu sanaqateqarluni illiortussap nammineerluni illumut akiligassaanut maleruagassat pissaatanngillat.

Namminersorlutik Oqartussat ilunut sanaqataaffiusunut taarsigassarsitsisarnerannut maleruagassat Inissialiornermut, illunut ataatsimoorussanut, illiassanut il.il. tapersiissuteqartarneq pillugu Inatsisartut peqqussutaanni nr. 11-mi, 19. november 2007-imeersumi § 51-imi imatut allassimapput:

Tassani allassimavoq, “**§ 51. § 48 naapertorlugu Naalakkersuisut taarsigassarsiarititassaat, qinnuteqartup ukiuni akileraaruteqarfiusuni tallimani kingullerni inoqutigiinni isertitaasa akileraaruteqaataasussat agguaqatigiissinneqarneri tunngavigalugit annertussusilerneqassapput.**

*Imm. 2. Naalakkersuisut taarsigassarsiarititassaat § 48 naapertorlugu aningaasartuitissat uppernarsarneqarsimasut tamakkiisut 95 procentinik annertussuseqassapput..*

*Imm. 3. Naalakkersuisut taarsigassarsiarititassaat qinnuteqartup inoqutigiinni isertitat akileraaruteqaataasussat 180.000 koruuninit qaffasinnerusimappata 15.000 koruunkaarlugit 5 procentpointinik appartinneqartassapput.*

*Imm. 4. Qinnuteqartup inoqutigiinni isertitat akileraaruteqaataasussat 450.000 koruuninit qaffasinneruppata Naalakkersuisut taarsigassarsitsissanngillat.”*

Nassuaatit inatsimmut nassuaammi itisiliiffigineqarput, taakkunani lu kisitsisit uku takussutissiorneqarput:

Iseritat	Nunatta karsianit Taarsigassarsiat %-inngorlugu	Nammineq akilikat %-inngorlugu
180.000	95	5

195.000	90	10
210.000	85	15
225.000	80	20
240.000	75	25
255.000	70	30
270.000	65	35
285.000	60	40
300.000	55	45
315.000	50	50
330.000	45	55
345.000	40	60
360.000	35	65
375.000	30	70
390.000	25	75
405.000	20	80
420.000	15	85
435.000	10	90
450.000	5	95

2007-imi inatsit erniaqanngitsunik akilersugassaannngitsunillu aalajangersimasumik 95%-inik taarsigassarsitisarnermiit isertitat tunngavigalugit taarsigassarsitisarnermut allangortinnejarpooq. Inatsisartut peqqussutaata akuersissutigineqarnerini Inatsisartuni annertuumik isumaqatigiissutigineqarpooq, inoqtigijit qaffasissunik isertitallit nammineerluni akiligassanik amerlanerusunik akiliisassasut. Ataatsimiititaliamit isumaliutissiissummi imatut allassimasoqarpooq:

"Nammineerluni illuliornermk aqqissuussinerup atuuttup sanaqataasarnermk aqqissuussinermik, illut ilinniarsimasunik ikiorteqarluni saneqartarnissaannik imaqartumik, taarserneqarnera Ataatsimiititaliamit isumaqatigiittumit pitsasutut isigineqarpooq. Sanaqatigiilluni illuliassanut tapiissutinut isertitaqassutsip tunngavigineqalernera ataatsimiititaliamit isumaqatigiittumit pitsasutut isigineqarpooq. Nammineerluni illuliornermk aqqissuussineq maanna atuuttoq malillugu – isertitat apeqquatainnagut – nammineerluni illuliassamik 1 millioninik nalilimmik 50.000 kr.-inik akilerlugu pissarsisoqarsinnaasimavoq. Taamaalilluni nammineerluni illuliamik pissarsinermi aningaasartuutit INI aqqutigalugu inissiamik marlunnik initialimmik attartornermi aningaasartuutinit ukiut marluinnaat ingerlanerini qaangerneqartarput.

Taamaalillutik nammineerlutik illuliortut aningaasarsiarissaartut, assersuutigalugit sanaartortut, tunisassiorfinni aqutsisut niuernermillu ingerlatsisut pisortanit tapiissutit iluaqtigalugit anaanamit kisimiittumit SIK malillugu isertitaqartumit Nuummi INI-p inissiaataanik najugaqartumit annikinneerarsuarmik ineqarnermut akiliuteqarsinnaasimapput."

Tassalu aqqissuussinerup 2007-imeersup atuutilerneratigut inoqtigijit qaffasissunik isertitallit sanaqateqarluni illuliornarneq aqqutigalugu taarsigassarsiniarnissamut taarsiullugu 20/20/60-inik taarsigassarsiniarsinnaalerput. Taamaalilluni sanaqataaffiusunik illuliornarnermi inoqtigijit isertitakinnerusut ikiorneqartarput, inoqtigijit qaffasissunik isertitallit nammineersinnaasut ikiorneqaratik.

Inussiarnersumik inuullaqqusillunga

Siverth K. Heilmann